

Malaysia tidak terjejas Myanmar henti hantar pekerja
Astro Awani
Dec 10, 2016

BAGAN SERAI: Tindakan kerajaan Myanmar yang menyekat rakyatnya datang bekerja di negara ini tidak akan memberi kesan kepada Malaysia.

Menteri Perdagangan Dalam Negeri, Koperasi dan Kepenggunaan, Datuk Seri Hamzah Zainudin berkata, tindakan Myanmar itu tidak menjejaskan sektor pengeluaran domestik negara.

Tegasnya, Myanmar bukan sumber utama bekalan tenaga kerja asing.

Jelas Hamzah, sumber utama tenaga pekerja bagi Malaysia adalah dari Bangladesh, Indonesia dan Kemboja.

Sebelum ini, Kementerian Imigresen Myanmar menerusi satu kenyataan mengumumkan pemberhentian pengeluaran lesen kepada rakyatnya yang mahu bekerja di Malaysia.

Bagaimanapun, Menteri Sumber Manusia, Datuk Seri Richard Riot Jaem semalam berkata, pihaknya belum menerima notis rasmi daripada kerajaan Myanmar yang melarang rakyatnya bekerja di Malaysia.

Tag: [Myanmar](#), [Hamzah Zainudin](#), [Kementerian Imigresen Myanmar](#)

© 2016 Astro Awani Network Sdn. Bhd. (535275-D) All Rights Reserved.

Source: <http://www.astroawani.com/berita-malaysia/malaysia-tidak-terjejas-myanmar-henti-hantar-pekerja-125205>